



**Quæstionum Canonicarum, In Quinque Libros
Decretalium, Tomus ...**

In Librum I. Decretalium, Per quadraginta, & tres Titulos distributum, in
quo agitur De Constitutionibus, Seu Legibus universim ...

Krimer, Ferdinand

Augustæ Vindelicorum, 1706

§. III. Quo tempore actus, solùm voluntarij in causa, imputentur ad
culpam?

[urn:nbn:de:hbz:466:1-73031](#)

licet homini occurrat cogitatio de obligatione sciendi; si autem in ejus potestate non sit diligentia, per quam acquirat ignoratæ rei scientiam, & vincat ignorantiam, ei invincibilis est citra culpam. Ex defectu tertiae conditionis similiter ignorantia carebit culpâ, si vinci non potuit, seu scientiam obtainere per diligentiam habitam secundum posse, & debere. Hæc distinctio proportionaliter accommodari potest ad actualem inadvertentiam, inco-
gitantiam, & inconsiderationem. Nam & hæc, ut vincibilis, & culpabilis sit, ob easdem rationes, requirit prædictas tres conditions.

683. Not. 4. ab ipsomet Muniessa cit. p. 16.
n. 151. (ut malefacta ex ignorantia, vel errore prius culpabili, sint deinceps nova peccata formaliter imputabilia ad novam pœnam, ultra pœnam correspondentem peccato omissionis, seu negligentie sciendi legem, vel preceptum) requiri, quod voluntareitas illius culpe faciat homini voluntaria saltem implicitè, aut virtualiter mala opera in errore illo subsecuta; & hoc sub istis terminis videtur certum; ita ille.

684. Quærentia autem, unde dignosci possit, quod malitia peccati, ex errore, vel ignorantia subsecuti, in ipsa culpabili omissione diligentie requisita ad habendam scientiam eorum, quæ ignorantur, fiat implicitè voluntaria? responderet n. 152. quando per negligentiam voluntariè affectatur ignorantia eorum, quæ scire quis poterat, ac debebat; aut si non affectatur, saltem omittitur debita diligentia cum prævisione malorum exinde secutorum, prævidendò scilicet ea vel in specie, vel in genere. Primum ait haberi per ignorantiam affectatam; alterum per crassam, & supinam, de qua diximus à n. 679. Virtualiter autem malitiam peccati ex errore, vel ignorantia subsecuti, fieri voluntarium in ipsa culpabili omissione diligentie debitæ, quando culpa negligentie moraliter virtualiter influit in ea opera subsecuta.

685. Ut autem culpa negligentie dicatur moraliter influere in opera subsecuta, docet, non sufficere permanentiam habitualem illius præcedentis culpe (sitam præcisè in non retractatione per pœnitentiam) sed requiri saltem virtualem, nimi-

rum moraliter continuatam in effectibus à præcedentis negligentie culpa descendenteribus, ad eum modum, quo explicari solet in administratione Sacramentorum moralis permanentia intentionis virtualis physicè præteritæ, à differentia permanentiæ purè habitualis. Antequam respondeam ad hæc Muniesse fundamenta, præmitto resolutionem sequentis quæstionis.

§. III.

Quo tempore actus, solum voluntarij in causa, imputentur ad culpam?

SUPponendum, in quæstione apud Theologos versari, quo tempore ad culpam imputetur omissio, vel positio alicujus actus, in se, ac directè non intenti, sed voluntarij solum indirectè, seu in causa? an tunc, quando voluntariè ponitur causa, ex qua prævidetur securita talis omissionis, vel positio actus de se mala; an vero tunc, quando actu sequitur ea omissio, vel positio actus, et si tunc non sit in potestate omittentis illam impedire; vel saltem nulla tunc cogitatio exprimat malitiam ejus.

Mihi semper probabilius visum est 687. (prout etiam tradidi in tract. Theol. de peccatis) tunc solum imputari ad culpam ejusmodi omissionem, vel positionem de se malam, quando actu, voluntariè, ac liberè ponitur causa, ex qua prævidetur securita; non autem, quando ipsa omissionis, vel positio actu sit extra statum libertatis presentis. Ratio hujus est, quia nulla omissionis, vel positio actus (ultra culpam malitiæ in causa, in qua unicè est libera) imputari potest ad culpam, secundum quod in se non habet libertatem) nec enim habere potest aliter malitiam, nisi secundum quod habet libertatem) at tunc, quando extra statum libertatis presentis ponitur omissio, vel positio actus, nullam in se habet libertatem, ut ponit casus; ergo tunc, quando extra statum libertatis presentis ponitur, in se imputari non potest ad culpam; quia tamen habuit libertatem in alio, nimis in causa liberè volita cum præscientia securi tali effectus, tunc, quando causa liberè posita est, imputata fuit ad culpam; quia tunc, & non post, fuit libera. Et ita etiam docuit meus quondam in Theologia Viennæ Austriae Professor, R. P. Jacobus Valentini

in tract.

in tract. Theol. de vitiis, & peccatis, D.

2. c. 4.

688. Eadem doctrina confirmatur. 1. quia omissione actus praecepti, per operantem ignoranti tunc, quando actu facit illum actum, non potest contrahere malitiam, nisi quando est posita liberè; sed non est posita liberè, nisi quando liberè posita est causa; ergo tunc solum, quando liberè posita est causa, contracta est malitia. 2. omissione rei praceptæ, pro tempore sequenti, non habet aliam libertatem, nisi in causa, quatenus poterat causa poni, vel non poni, ut ponit casus; quo posito sic arguitur: quando talis omissione culpabilis, per poenitentiam retractatur, actus subsequuti ex illa non imputantur ad culpam tunc, quando sunt; ergo etiam si per poenitentiam nondum est retractata. Nam, et si verum sit, quod in casu antecedenti, dum illi actus subsequentes ponuntur, nec in se, nec in causa habeant libertatem de praesenti, sed tantum habuerint de praeterito in causa: quia tamen poenitentia non facit, quod non habuerint libertatem in causa, si, quando abest, nihilominus facit imputabiles, quia habuerunt libertatem in causa; etiam praesens non impedit imputari ad culpam; quia etiam praesens non facit, quod non habuerint libertatem in causa; id, quod non admittunt Contrarij.

689. Dies: per poenitentiam fieri, quod libertas in causa nec habitualiter sit praesens, quando reliqui actus materialiter mali subsequuntur; id, quod non contingit, ubi non praecessit poenitentia. Sed contra est; nam si actus materialiter mali, ex causa liberè volita subsequentes, sunt imputabiles ad culpam, dum actu sunt sine omni scrupulo, immo cum opinione, quod sint honesti, ideo præcisè, quia eorum libertas in causa tunc est praesens habitualiter; à fortiori erunt imputabiles, dum eorum libertas in causa est præsens actualiter; hoc autem dici non potest; ergo in casu poenitentiae non ideo non sunt imputabiles, quia illorum libertas in causa, nec actualiter, nec habitualiter est praesens; sed quia fuit aliquando; at hoc etiam contingit; quando sequuntur postea, etiam seclusa poenitentia. Min. prob. Nam sic idem actus, non retractata causâ culpabili, bis imputaretur; primo, dum ejus

libertas in causa est actu, & 2. quando ejus libertas non est actu, sed tantum in habitu.

690.

Instabis: quando libertas operis in causa est actu, imputari quoad malitiam causæ; quando autem opus subsequens actu fit, & libertas in causa est solum in habitu, seu non retractata, imputari quoad malitiam propriam, ultra malitiam causæ. Verum nec hoc dici potest. Quia, cum non sit alia libertas causæ in habitu, seu morali perseverantia, quam quæ erat, cum esset in actuali existentia; si hæc actualis libertas in causa, dum esset praesens actualiter, non potuit tunc facere, ut malitia operis ultra malitiam causæ primo tunc imputaretur, quando ponitur extra statum libertatis, licet tunc esset actualiter cum cognitione operis secuturi ex causa; minus id poterit, dum est praesens solum habitualiter & nullatenus est, sed tantum fuit cum cognitione operis secuturi ex causa. Ut autem vis hujus instantiæ inelligatur, observandum, quosdam velle, effectus malos in causa liberè volita praevisos, etiam tunc (quando sequuntur extra statum libertatis) imputari, quando culpa causæ per poenitentiam non est retractata; rationem reddentes: quia sic libertas causæ perseverat adhuc habitualiter, etiam pro instanti, quando extra statum libertatis actualis ponuntur; quia tamen si non sint tunc liberi libertate actuali; sunt tamen liberi libertate habituali, quam volunt sufficere, ut illi effectus etiam tunc inficiantur malitiæ imputabili ad culpam. Contra istos igitur in praesens hoc n. 690. dico, quod libertas causæ, sive existat actualiter, sive habitualiter, non possit facere, ut malitia propria effectus (homicidij v. g. prævisi ex ebrietate secuturi) imputetur primò tunc, quando sequitur homicidium extra statum actualis libertatis; & non fuerit imputata tunc, quando actu liberè volita est ejus causa.

691.

In hoc ergo. n. 690. non est quæstio, an malitia ebrietatis directè volitæ, & malitia homicidij v. g. solum in directè voluntarij, imputetur tunc, quando liberè ponitur causa; quia hoc jam affirmavimus n. 687. sed an utraque vel alteruera imputetur etiam tunc, quando homicidium sequitur extra statum libertatis; & quia est aliquorum sententia, qui hoc affirman, si libertas causæ tunc existat saltem habitualiter,

Y

tualiter,

Tom. I.

tualiter, hoc est, si nondum sit retractata per pœnitentiam, ut constat ex his, quæ dico n. 688. & 689. ideo contra hos dico n. 690. quod libertas causæ, sive existat habitualiter, sive actualiter, non possit facere, ut vel utraque malitia, vel alterutra tunc imputetur ad culpam operanti, quando homicidium sequitur extra statum libertatis *actualis*; sed tantum, quando liberè posita est causa, quod meo quidem judicio multò probabilius est op̄posito.

Nec valer, si dicas: effectus de se mali, solum indirecte voluntarij in causa, ex qua prævidentur secuturi, imputantur ad culpam tunc, quando causa est *actualiter libera*; ergo tunc, quando est *habitualiter libera*; sed quando ponuntur extra statum libertatis *actualis*, si culpa causa nondum est retractata per pœnitentiam, sunt *habitualiter liberi*; ergo etiam imputantur ad culpam, dum sequuntur extra statum libertatis *actualis*; & not. quando dicitur effectus est *habitualiter liber*, verbum est per adjunctionem syncategorema, seu vocem *habitualiter* distrahi a proprio significato, quod est verbi *præsentis temporis*; & ampliori, ad tempus *physicè præteritum*, in quo fuit de præsenti, sed jam non est; quo posito: dato anteced. N. conseq. quia argumentum fit a verbo est, sum pro statu præsenti, & simpli citer ad verbum est, cum termino distra hente; quo fit, ut affirmet verbum *imputatur* (quod est de præsenti) æquè affir met de illo, quod fuit liberum, ac de eo, quod est liberum; qualiter argueret dicens: novus annus est præteritus; ergo novus annus est; vel econtra.

691. Pro solvendis aliis objectionibus contra doctrinam à n. 687. traditam not. 1. negandum esse, quod effectus extra statum libertatis, ad causam liberè datam secutus, aliquando sit peccatum *ultra rationem peccati, ex malitia cause imputabile*. Nam tunc, quando in tempore distante ab eo, quo liberè volita est causa, talis effectus sequitur, nec malitia causa, nec malitia propria ipsi imputatur; sed utraque illi imputata fuit, quando liberè posita est illius causa. Hinc quando dicitur *ebrietas* contingit extra statum libertatis, & tamen tunc est peccatum; cum distinctione respondetur: est peccatum tantum, N. est peccatum cum addito,

nempe præteritum, & simul privatio usus rationis actu posita ex peccato præterito. C. Unde, sicut homicidium includit duo, nimis actionem injustam, vel præteritam, vel præsentem, & privationem vitæ, quæ sequitur ex tali actione injusta; sic ebrietas includit duo, nimis voluntariam illam potionem, ex qua subsequitur privatio usus rationis, & hanc ipsam privationem: & sicut ante privationem vitæ, illa injusta actio non dicitur homicidium; sic ante privationem usus rationis illa excessiva potatio non dicitur ebrietas; utrumque enim delictum, præter actionem pravam, quæ infert effectum, quo externè consummatur, importat illum effectum, nec prius dicitur ebrietas, vel homicidium; nam hæ denominationes requirunt actum externè consummatum, ultra internum actum, ratione cuius habent formalem imputabilitatem ad culpam. Unde, sicut ponens actionem occidivam, non tunc peccat peccatum imputabili, quando ex intervallo sequitur privatio vitæ; sed jam peccavit imputabiliter, quando posuit actionem occidivam; esto non peccatum externe consummatum; sic dicendum venit de ebrietate.

Hinc instanti: homicidium, & ebrietas 692. est essentialiter peccatum actuale, ergo non prius est peccatum, quam sit privatio vitæ, vel usus rationis; sed hæc contingit extra statum libertatis; ergo est peccatum actu extra statum libertatis: respondetur cum priore distinctione: est peccatum tantum, N. ma. peccatum, & simul dicta privatio, C. ma. cum minori, dist. conseq. ergo est peccatum actu extra statum libertatis, secundum quod homicidium, vel ebrietas important dictam privationem; C. secundum quod important actionem pravam, & imputabilem, N. conseq. Tunc ergo, quando ponitur dicta privatio, homicidium v. g. est actu solum consummatione; sed non commissione; hæc enim formaliter sita est in voluntaria positione causa, necessariò illativæ illius privationis; certum autem est, quod illa voluntaria positio causa non ponatur extra statum libertatis; ergo nec commissio peccati; ergo nec formalis imputabilitas.

Not. 2. ad hoc argumentum: tunc transgressio rei præceptæ est peccatum, quando urget præceptum, & non ante; sed

sed tunc, quando urget præceptum, fit omissio rei præceptæ extra statum libertatis (ut si quis voluntariè combussum breviarium, fore prævidens, ut die postero non possit dicere horas canonicas, quas tenet) ergo tunc est peccatum, quando omissionis est extra statum libertatis: ad hoc, inquam, argumentum responderi cum distinctione ma: & eam concedi de transgressione formalis, & libera; negari de necessaria; in casu autem posito tunc; ubi urget præceptum, omissionis fit necessariæ, & non liberæ; sicut, si tunc sine omni sua culpa obligatus ad horas careret omni breviario.

694 Nec obstat, quod homines ejusmodi omissiones, & materialies, ac non liberas transgressiones soleant confiteri. Hoc enim faciunt etiam post penitentiam de causa voluntariæ data prius, quam sequeatur effectus in ea prævisus. Et ideo P. Vasquez D. 94. c. 3. negat, per se loquendō, esse obligationem confundi effectum extra statum libertatis secutum ex causa prius voluntaria; sed satisfacere dicendō, se dedisse causam proximam tali eventui. Dicit, per se loquendō. Nam per accidens obligabitur, si exinde nascatur damnum alteri, exigens restitutionem; vel delicto annexa sit censura, quæ non infligitur delicto utcunq; sed consummato, seu effectu secuto. Tunc enim censura, ex mente ferentis, aut eam statuentis, non incurritur etiam propter delictum præteritum præcisè; sed propter illud consummatum, seu effectu secuto.

695. Not. 3. negandum esse, quod sequatur ex nostra sententia, nec fore peccatum, voluntariè dare causam, ex qua sequitur actio materialiter mala, si non sit tunc formaliter mala, quando ponitur extra statum libertatis; negandum pariter ideo præcisè causam esse malam, quia effectus est malus imputabiliter. Nam idem instatur contra Adversarios in casu, quo mala voluntas causæ retractatur ante eventum. Deinde, qui voluntariè canem concitat in gregem ovium, esto retract voluntatem, antequam canis oves laceret, adhuc tamen laceratione ovium per canem facta contrahit obligationem restituendi, esto dimissio cane dolet, nec sit in libertate, lacerationem ovium impenodi, & hæc laceratio non sit peccatum;

Tom. I.

quia voluntariè posuit causam actionis alteri nocivæ, ac jure naturali vetitæ, licet ea actio lacerativa ovium non sit peccatum.

Not. 4. audire sacram v. g. (vel præstare aliud opus præceptum) posse considerari dupliciter. 1. in genere entis, quod fit ipsa sacri auditione physica, seu reali; 2. in genere moris, quod contingit, quando quis, quantum est ex se, ponit media necessaria ad illum effectum physicum, audiendi sacram, à se dependentia. Hinc quando dicitur: qui habuit voluntatem audiendi sacram, non potest dici implevisse præceptum, si tamen opere ipso non audiat; ergo vicissim, qui habuit voluntatem non audiendi sacram, non potest dici non audivisse sacram, seu violasse præceptum, nisi opere ipso non audiat; ergo tunc solū peccat contra præceptum, quando ponitur omissionis; at hæc ponitur extra statum libertatis. Nam adhibitā distinctione, de qua dictum est, patet solutio. Qui enim, quantum est ex se, efficaciter vult audire sacram, esto per accidens contingat impediri aliunde media, quæ adhibuit, non potest quidem dici audivisse sacram in genere entis; bene tamen in genere moris; quod in tali casu sufficit, ut dicatur præceptum implevisse. Ex quo patet ad reliqua.

Not. 5. verum esse, quod actus externus, furti v. g. sit verè peccatum denominativè ab actu interno libero, et si de se non sit capax ullius libertatis formalis; non autem inferri bene: ergo etiam, licet omissionis rei præcepta, dum ponitur extra statum libertatis, non sit capax amplius ullius libertatis, poterit tamen esse libera denominativè, quando ponitur. Ratio est; quia hæc omissionis, dum ponitur, non ponitur liberæ; secus furtum externum.

Not. 6. quando S. Thomas 2. 2. q. 79. a. 3. ad 3. ait: omissionem, seu effectum secutum ex causa ipsum inferente, tunc incipere imputari ad culpam, quando est tempus operandi, intelligendum esse, quod tunc imputetur ad culpam tanquam consummatam in genere entis, non autem tanquam consummatam in genere moris, quando urgente operandi tempore omissionis ponitur; cuius ratio est, quia ibidem ipse dicit, omissionem (vel alium effectum ex causa directè voluntaria) subsequentem, reddi

Y 2

reddi voluntariam per causam præcedentem; ergo non, dum ponitur omissione, vel effectus subsequens; sed, dum liberè posita fuit causa talem effectum inferens.

699. Dices: licet non raro aliquæ actiones fiant cum omnimoda distractione, & consequenter sine actuali libertate (cum nemo possit liberè ferri in aliquid objectum, ad quod nullo modo intellectus attendit) quia tamen cum advertentia, & libertate sunt *inchoatae*, censentur humanæ, & capaces bonitatis, & malitiae eo modo, quo actus externus, ut, cum Sacerdos, planè distractus, consecrat; ergo idem dici poterit de omissione, aliisque actionibus factis extra statum libertatis, in somno, ebrietate, &c. Sed. R. N. ant. Nam si nulla adsit attentio, etiam actualis tenuis, actio interrupetur, aut fiet solum materialiter tunc, quando ponitur; cuius ratio est; quia os Sacerdotis celebrantis est indifferens, ut proferat *haec*, vel *illa verba*; 2. ut ea proferat *suo*, vel *Christi*, aut *alieno nomine*; ergo ut *sic*, & *tali modo*, ac *nominis* fiant, determinari debet per aliquid; Hoc autem non est aliud, quam actus voluntatis determinans potentias externas; qui tamen adesse non potest, nisi cum aliqua saltem cognitione circa tale objectum; nam alias *humana* non est. Et ideo etiam in tract. de Sacram. in genere, D. 3. 4. 7. conclus. 5. meus olim in Theologia Vienæ Austriæ Professor R. P. Hieronymus Milser, Vir magna Virtutis, ac exquisita doctrinæ, per complures deinde annos in Universitate Græcensi Cancellarius, probabilius censuit, tam actiones Sacramentales, quibus conficitur Sacramentum, quam alias etiam præbias, quæ ordinantur ad illas, semper provenire ab aliquo actu intellectus, & voluntatis *præsente*; id, quod & ego secutus sum in eodem tractatu, 1686. Viennæ in Theologia scholastica tradito; alias enim vix salvare poterit, eas actiones fieri *humano modō*.

700. Ex dictis inferes. 1. negandam esse opinionem Marsilij afferentis *omissionem*, non verò ejus *causam positivam* esse peccatum; ex illa enim sequeretur. 1. quod Petrus concedens cubitum in gratia surgeret in peccato mortali absque eo, quod ullum exercitium libertatis interea eliciisset, si nimis ex illius somno interim sequeretur omissione mortaliter peccaminosa. 2.

quod alteri *consulere malum*, non fore malum, sicut non est mala voluntas dormiendi, et si ex illa videat Petrus secuturam transgressionem præcepti per omissionem. Deinde, nec illorum sententiam subsistere, qui docent, peccâsse quidem prius, dum posita fuit causa, sed ab eadem illa malitia jam posita denominari *de novo* peccatorem propter *novum* peccatum, quod postea ponitur, quatenus denominatur de novo *homicida*, à voluntate libera præterita, & effectu hanc secuto. Contra eam est; quia sic, si Sacerdos confessus fuisset, se breviarium projecisse in Danubium, & simul prævidisse, ex illa projectione secuturam omissionem culpabilem unius mensis, quod talis toto illo mense, singulis diebus, antequam celebraret missam, deberet se de novo accusare in confessione, se pridie omisso breviarium. Idem est, si quis dedisset venenum alteri ad occidendum alterum, factique pœnitens, tuisset peccatum confessus, talis iterum teneretur confiteri subsecutu homicidio; quæ quis non videat esse absurdum?

Inferes. 2. ea, quæ hactenus dicta sunt, 701. eodem modo procedere de effectibus positivis extra statum libertatis secutis, ac de ipsa omissione. Unde ulterius habetur, *ex qualitate culpe in danda causa*, ferdum quoque esse judicium *de culpa omissionis*; quare si venialiter tantum peccasti in ponenda causa e. g. in projiciendo breviario, vel in te inebriando, omissione breviarij, vel ex ebrietate homicidium secutum, erunt tantum peccata venialia; cum enim sint tantum peccata *in causa*, ut probatum est, non poterunt habere maiorem malitiam, quam illa positio causa habuerit. Et ideo, cum omissione rei præceptæ imputetur in causa, non est necessariò in confessione exprimenda in particulari, quænam fuerit causa data omissioni, nisi data causa secundum se haberet speciale malitiam; ut si quis omitteret horas, quia se inebriavit; tunc enim utrumque esset explicandum; cum etiam ebrietas *in se* sit peccatum; quare dicet: *se per ebrietatem, voluntariè positam, omisso horas canonicas*: & ratio est; quia si causa data non habet de se speciale malitiam, solum est mala, quia est causa omissionis rei præceptæ; ergo quod sit data *haec* vel illa causa, habebit se mere materialiter,

rialiter, sicut, quod jejunium transgredietur hoc, vel illo cibo, habet te merè materia-
liter respectu transgressionis jejunij, &c.

^{702.} Inferes. 3. allatam doctrinam procede-
re, quando omissionis post datam causam
secuta est extra statum libertatis nostræ;
ita, ut non sit amplius in potestate nostra,
tollere causam semel positam; si enim pos-
sim illam tollere, & poni res præcepta, si
sequatur omissionis, illa omissionis erit verum
peccatum; quia in tali casu ponitur liberè
omissionis, atqueadè erit multiplex pecca-
tum numerò, prout censemitur interru-
ptum ab instanti, quo data fuit causa;
qualisnam autem interruptio requiratur
ad multiplicanda numerò peccata, dice-
tur alibi.

§. IV.

*An opus extra statum libertatis secutum
ex causa voluntariè data, imputetur ad
novam malitiam, ultra mali-
tiam causæ?*

^{703.} Negativam à nobis teneri constat ex
haec tenus dictis, præsertim n. 687.
(hoc nimis sensu, quod quando actus
malus voluntarius est solum in causa,
tunc, quando sequitur extra statum liber-
tatis actualis, non contrahat novam ma-
litiam, non contractam antè, dum actu
liberè posita est ejus causa) affirmativam
autem, quod contrahat etiam novam ma-
litiam tunc, teneri à Muniesse cit. supra
n. 674. aliisque. Rationes porro, quibus
nititur citatus Author, retulimus à n. 675.
Nunc ad singulas, & quidem ad primam
in n. 675. scilicet nego min. ad hujus prob.
C. ant. dist. consequens: ergo non datur
peccatum, seu malitia moralis, proveni-
ens ex ignorantia, sumpta secundum se,
C. ex ignorantia culpabiliter per præceden-
tem negligentiam inducta, N. conseq.
Quando D. Thomas, & Theologi dicunt,
præter peccatum ex infirmitate, & mali-
tia, dari etiam peccatum ex ignorantia,
non volunt aliud, quam dari quandoque
peccatum, cuius causa nec sit hominis
fragilitas, nec malitia; sed mera ignoran-
tia, non secundum se, sed prout volunta-
ria in omissione diligentia debita, si talis
omissionis non obstante prævisione secuturæ
ignorantia, & inde sequentium malorum,

saltem indirectè fuit volita: si enim hæc
nullatenus prævisa fuerunt, cum volunta-
riè admissa fuit ea negligentia, inde secu-
ta nullam habent culpam imputabilem.
Ratio hujus est; quia tunc nullam habue-
runt libertatem; non in se, ut ponit ca-
sus; quia sequuntur extra statum libertati-
s præsentis, quæ non stat sine cognitio-
ne de malitia talis operis, quando ponitur;
non etiam in causa; quia ponitur, nulla-
tenus esse prævisa in causa; at sine hoc ni-
hil dici potest liberum in alio, seu in cau-
sa: ergo.

Ad. 2. rationem scilicet cum distinctione
anteecedentis: homo tunc peccat imputa-
biliter contra legem toto tempore, quo
exerceat opus prohibitum, licet tunc toto
tempore non advertat ad malitiam operis,
quod exerceat, N. ant. solum externè con-
summat peccatum imputabile in causa,
jam prius liberè volita, C. ant. & sub da-
ta distinctione conseq. Pro quo not. quod
libertas præsens, quam explicat potentia
proxima peccandi, importet aliquam co-
gnitionem præsentem de malitia operis,
vel saltem dubitationem, aut scrupulum;
quare si tunc, quando ponitur tale opus,
nulla talis cogitatio adsit, opus tunc ponit
ur extra statum præsentis libertatis, con-
sequenter tunc ponitur, sed non liberè.
Quando autem opus malum ponitur, sed
non liberè, tunc, quando ponitur, non
est imputabile ad malum, quia tunc non
est malum ullâ præsenti malitiâ formalis:
ergo.

Quia verò hæc ratio Muniesse specia-
liter intendit evincere, quod actus, etiam
extra statum libertatis præsentis, seu crita
ullam cogitationem præsentem de propria
ipsius malitia, sit nihilominus imputabilis
secundum propriam malitiam, ultra ma-
litiam causæ, ex qua sequitur: ideo ad
eandem secundam rationem scilicet 2. cum
distinctione anteced. Etiamsi homo non
habeat ullam cogitationem de malitia ope-
ris per totum tempus, quo illud exerceat, ta-
men toto tempore peccat imputabiliter,
quo illud opus facit, secundum quod ei
tunc illud opus est liberum, C. ant. secus,
N. ant. Vel ergo tunc, quando ponitur
opus, v. g. mendacium, quoad propriam
malitiam mendacij est illi liberum in se,
vel non? si non? ipsum in se non est im-
putabile tunc; cum in se non sit forma-
litas